

驗方彙集序

昔扁鵲於邯鄲爲帶下醫於洛陽爲耳目痺醫於咸陽爲小兒
醫及漢文帝時太倉公者承召對所醫藥已病之狀若下氣湯
之愈氣隔火齊湯之愈湧疳苦參湯之愈齟齒良礪之乳懷子
消石之出乳餘血柔腸之愈持重腰脊痛不得溺何其術之備
而濟人之廣如此也扁鵲之言曰人之所病病疾多而醫之所
病病道少扁鵲固傳長桑君禁方東垣一方入及五藏癥瘕是
其方之驗焉者耶若倉公傳扁鵲脈書有所云上下經五色診
奇咳術揆度陰陽外變藥論石神接陰陽禁書者不必皆方而

其於古之爲方驗必審而輯必周也可知世傳仲景始爲方今
觀扁鵲倉公之言則方之可輯者久而其不能經名人彙而附
之於後可惜耳抑又聞之古今世變日新人生之飲食嗜好日
出而日異泥古方而治今證往往齟齬而不合且有出於古人
之方之外者則雜治一途尤今日所宜急講已以故神仙如孫
思邈而有龍宮千金方千金翼方經濟如陸宣公而有今古集
驗方文章學術如東坡如存中而有蘇沈良方其爲書也驗必
審而輯必周豈好爲是瑣瑣哉亦謂一不審不足以濟人一不
周亦濟人而猶有憾也

提督湖南軍務合肥周軍門承

廷命率所部盛軍防海於天津之屯次特創設爲官藥局聘

上之良者爲官醫鳳陽戴君後軒實與其役壽與軍門諸從子

交因得識筱軒一日出所著驗方彙輯若干卷見示且曰予爲

此書者基勤且久已凡所錄必求其有驗者不矜異不闕博用

吾學所知隱以占十三科者分門綴輯庶閱者得依類以辨證

認證以求方因方以治疾旣蒙當代大人暨二三知己惠以序

文而雜治一門則所以輯吾書之緒餘而冀以廣有所濟也吾

子其爲我序之嗚呼君之於此書也可謂驗之審而輯之周矣



然則君於

軍門立局濟人之心且有以推之斯世垂諸無窮將以上繼孫
陸蘇沈之傳而羽翼仲景之作闡其奧旨俾窮鄉僻壤耕漁傭
販之流咸得展卷瞭然按方以拯其疾若其可以濟人而無憾
也何如得君此書雖謂家扁鵲而人倉公可也壽不知醫而信
君書之足濟人也爰製爲雜治之序而推廣之以述君意著於
篇

光緒甲申孟夏之月愚弟寶應祁壽磨書於盛軍新農鎮屯次

叙

戴君筱軒壽南儒士也其品詣素爲鄰里鄉黨所欽崇其醫學
入爲名公巨卿所賞識遊寄軍中於今已廿餘載矣而直隸
居最久計自

周軍門來鎮是邦其部下士卒不下數萬人十餘年來凡有疾
痛者大半治之一手其最效良方或出自己運用或於他書採
摭然見於某部始於某人必將名目註清於左集成十數卷類
曰驗方彙編不惟無伐己善亦并不掩眾長非徒有濟於當時
亦且有裨於天下後世洵有荷於仁人君子之用心矣年伯燮

臣孫夫子序於前同鄉南金王夫子跋於後而於內外單方未暇分書予甲申春赴京過新農暫寄綏軍右營游府獲讀是編不揣謏陋別類分門續成四卷亦可另樹一幟庶幾後之學是業專斯門者不難購此集云肯

光緒十年杏月下浣

姻愚弟常瑾芬相臣甫拜識



驗方彙輯

傷寒

瘟疾

霍亂 痧症附

嘔吐噦

泄瀉

痢疾

瘧疾

痰症

咳嗽

喘急哮喘

呃逆

吞酸

翻胃隔噎

消渴

失血

黃疸

水腫氣脹

癲狂症

癰症

自汗盜汗

中風 附痺疼癱瘓

傷食積聚



馬方彙編卷一
雜治諸方

治霍亂吐瀉垂危

乾霍亂

又方

治羊痧方

治霍亂方

治陰暑方

治口眼歪斜方

治中風不省人事

急中風口閉涎壅

七味無價仙方

治癇病神方

風痰癇病

陰症傷寒

傷寒狂走

天中葯茶

解毒辟瘟丹

救苦丹

傷寒漏底

救誤食馬蝗

救中生鴉片毒

救誤吞水蛭

治毒狗咬方

瘡疽懸久

治瘡癢虧損多汗

瘡不腫痛腐潰

肺癰辨症

肺癰傷脾

瘡傷痊後枯乾

天行班瘡

頭班瘡

乳癰初起

乳巖

乳硬作痛

辨疔瘡法

拔疔紅膏

疔瘡危急

治瘡癰頭新綠雲膏

銀青散

中肥足潰

頸面花癰

漆瘡腫爛

治漆瘡方

消毒神效方

鐵箍散

追管丸

消管丸

完善丸

石花膏

懸癰初起

翻唇疔毒



凡疔生唇口

丹石結毒

楊梅結毒

生肌八寶丹

驅毒散

隔皮取膿法

跌打肉傷

破傷風

跌打損傷

皮破出血

面目傷腫

頸生痰核

發背對口

治一切魚口便毒頑瘡效方

治坐板瘡神方

乾疥腫痒

治禿瘡方

多年賺瘡

接骨神方

鎗刀重傷

少林接指方

七厘散

移山過海散

胎元七味丸

楊梅結毒

又方



驗方彙輯卷之一

壽春戴緒安筱軒選註

平阿宋之炎灼午會叅

傷寒

治傷寒熱往來骨節碎痛及中風面目浮腫用大蔥切細煎湯或作羹粥食之汗出卽愈

治傷寒連日不出汗昏睡不醒身熱語亂汗不得出急用滾水一大壺布包放病人脚下踏之一時汗自由下而上其病卽愈



治服發表藥不出汗者用蘇葉煎湯以器盛之置被內薰病人

兩膝下汗出自愈 或用生姜搗爛夏布包住周身茶之汗

亦可出 樟木白皮搗爛炒熱絹包遍身熨之出汗亦佳

治傷寒症 糯米糝無粳者和礞石末打成錠晒乾燒炭水化

食之七日內卽汗七日外者次日自汗

治傷寒痞氣胸滿欲死用枳殼湯 枳殼 桔梗炒去穰各一兩

右以水一升半煎減半去渣分二服

治傷寒汗吐下后心胸滿或頭痛微汗虛煩不能眠反覆顛倒

心中懊惱 枝子 淡豆豉各五錢 以上二味水煎服治陰

陽二症結胸 白明凡一錢銀珠五錢 以上二味研末用小五

蓋置炭火上鎔化爲丸每遇前症用一丸研末茶清調勻服或入姜湯少許此方勝陷胸承氣瀉心三方不動臟腑不傷真氣無論虛實皆可用之亦治痰火聲嘶神效

治傷寒熱病有虫上下傷人 猪胆一個苦酒一合同煎兩滾飲之

虫死

治傷寒狐惑虫蝕下部痛痒不止用雄黃燒瓶中薰下部虫死即愈

治傷寒不解已三四日胸中悶惡淡豆豉一升鹽一合水煎服取吐立

效

治傷食

神曲一餅煮汁飲之橘皮

雨一煎濃取汁服

治傷寒時氣服藥不納者

生姜搗爛取汁溫熱緩服

治傷寒鼻衄大流久不能止

細茶爲末吹入鼻中再用草紙

數層井水浸濕搭於鼻上血卽止

山枝子炒黑爲末吹之

治傷寒吐血不止

韭菜搗汁磨墨呷之雞子清亦可

治傷寒煩躁熱極譫語

生雞蛋一個打破吞之蚯蚓糞涼水

調服亦可取效

治傷寒心神煩躁不定

藍靛一匙新吸水一盃服

治傷寒陽毒狂亂甚者 人中黃五錢新汲水調服再用青粗

布一尺放涼水浸貼其胸前即愈

治傷寒胸膈不寬一切寒結熱結水結食結痰結胸痞氣結太

便結或滿悶硬痛 生姜二三片搗碎擠其汁存之將渣炒

熱絹包漸漸揉熨心胸脇腹久則滿痛豁然寬展而愈極妙

方也加姜渣炒乾入前存姜汁拌濕再炒再熨 或巴豆

粒十

白麵一錢捻作餅安臍上艾葉包護亦妙

錢一

治傷寒發狂 元明粉 朱砂 各二錢 冷水調服

治傷寒發狂喊叫奔走人難制服未審陽狂陰躁何以用藥宜



先燒炭火一盆用醋一碗澆於炭火上醋氣薰入鼻內狂亂
卽定乃可看脉之有力無力如六脉有力爲陽狂無力爲陰
躁或六脉雖大重按全無亦爲陰躁須識此法方不誤人陽
狂宜用清涼之藥陰躁宜用溫熱之藥 凡傷寒腹痛須辨
別陰陽方可用藥宜先以法試之方不致誤人將冷水半盃
與病人飲之飲後痛緩屬熱宜清涼之藥和之利之俟後痛
甚屬寒宜溫暖之藥

治傷寒勞復 鳳凰衣炒令黃黑色爲末熱酒一合和服汗出卽愈

鱉甲燒灰存性研末水調服二錢



治陰陽易病卽女勞復也病新痊後男女相交病壯則男子陰腫小腹絞痛手足拘急或熱上冲胸頭重不能舉眼中生花百節解散女子則裏急腰勝連腹內皆病用褲褶近陰處煎圓一塊男病用女的女病用男的須用常穿褲褶燒灰存性用溫水調服以小便利陰頭伸爲度

治男子病與女人交接病上加病者 韭菜一把去青兩頭尖

用十四粒水煎頻服出汗卽愈 干姜四兩爲末用五錢水

調服被蓋出汗手足能伸可愈 女子月經布燒灰存性爲

末熱水冲服三錢

紅黍米

三兩煮粥和酒飲之汗出亦可